



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-171-2/22**

Datum: **19.04.2022. godine**

«Agencija za vodno područje rijeke Save» Sarajevo, rješavajući po zahtjevu pravnog lica «AB INDUSTRIALS» d.o.o. Sarajevo – Podružnica «Ecco Green» Zavidovići za izdavanje vodne saglasnosti za izgradnju sistema prikupljanja i tretmana tehnoloških otpadnih voda kompleksa za tretman i reciklažu neopasnog miješanog otpada izgrađenog na zemljištu označenom kao k.č. 227/1 i 227/18 K.O. Zavidovići, općina Zavidovići, na osnovu člana 109. stav (1) tačka 2. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), **donosi**

R J E Š E N J E **o vodnoj saglasnosti**

1. Pravnom licu, «AB INDUSTRIALS» d.o.o. Sarajevo – Podružnica «Ecco Green» Zavidovići, daje se vodna saglasnost za izgradnju sistema prikupljanja i tretmana tehnoloških otpadnih voda kompleksa za tretman i reciklažu neopasnog miješanog otpada izgrađenog na zemljištu označenom kao k.č. 227/1 i 227/18 K.O. Zavidovići, općina Zavidovići, a na osnovu projektne dokumentacije:
 - Glavni projekat vanjskih instalacija kanalizacije za pribavljanje vodne saglasnosti poslovno-proizvodne hale za tretman i reciklažu neopasnog miješanog otpada, urađen aprila 2022. godine od strane «ES HYDROTECHNICS» d.o.o. Sarajevo, revidovan aprila 2022. godine od strane «TEAM HIDRO» d.o.o. Sarajevo.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost može se koristiti isključivo za potrebe izdavanja odobrenja za građenje i okolinske dozvole.
4. Ova saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa a sve u skladu sa važećim zakonskim propisima, odlukama i sl.
5. Vodna saglasnost se donosi na osnovu pregleda dostavljene projektne dokumentacije iz tačke 1. ovog Rješenja, utvrđenog činjeničnog stanja i pod sljedećim uslovima:
 - 5.1. Radove na izgradnji sistema prikupljanja i tretmana tehnoloških otpadnih voda izvesti u skladu sa ovjerenom projektnom dokumentacijom iz tačke 1. ovog Rješenja.
 - 5.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 5.3. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 5.4. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
 - 5.5. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
 - 5.6. Prilikom izvođenja radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
6. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.

7. Po završetku izgradnje predmetnih radova i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na izgradnji poslovno – proizvodne hale u skladu sa glavnim projektom iz tačke 1. dispozitiva ovog Rješenja.
9. Ovo Rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, «AB INDUSTRIALS» d.o.o. Sarajevo – Podružnica «Ecco Green» Zavidovići, podnesen je ovoj Agenciji dana 11.04.2022. godine zahtjev za izdavanje vodne saglasnosti za izgradnju sistema prikupljanja i tretmana tehnoloških otpadnih voda kompleksa za tretman i reciklažu neopasnog miješanog otpada izgrađenog na zemljištu označenom kao k.č. 227/1 i 227/18 K.O. Zavidovići, općina Zavidovići.

U provedenom postupku dostavljena je i pregledana sljedeća dokumentacija:

- Punomoći zastupnika podnosioca zahtjeva za Pašić Emira (punomoći potpisane i ovjerene od strane Dilber Elze, notar iz Zenice),
- Ovjerena kopija Aktuelnog izvoda iz sudskog registra, broj: 065-0-RegZ-22-003282 izdatog dana 25.03.2022. godine od strane Općinskog suda u Sarajevu,
- Kopija Uvjerenja o registraciji poreznog obveznika izdatog 12.03.2021.godine od strane Porezne uprave Federacije BiH – Kantonalni porezni ured Sarajevo,
- Kopija Rješenja o ispunjavanju uslova za obavljanje djelatnosti, broj: 04-14-09794-4/21 izdatog 08.12.2021. godine od strane Ministarstva za privredu/gospodarstvo Zeničko-dobojskog kantona,
- Kopija Rješenja – dozvole za upravljanje otpadom i njegovim odlaganjem, broj: 12-19-008267/21 izdatog 24.09.2021. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Ugovora o kupoprodaju nekretnina OPU-IP 55/2021 zaključenog dana 20.01.2021. godine između Pašić Fahre, Eldina, Albina i Emira (prodavatelji po punomoćniku) i Ridžal Samira (kupac i dir «AB INDUSTRIALS» d.o.o. Sarajevo podružnica «Ecco Green» Zavidovići) – ugovor notarski ovjeren od strane Dilber Elze, notar iz Zenice,
- Kopija Rješenja o urbanističkoj saglasnosti, broj: 12-19-10769/21 izdatog 10.03.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o prethodnoj vodnoj saglasnosti, broj: UP-1/21-1-40-005-6/22 izdatog 18.02.2022. godine od strane ove Agencije,
- Kopija načelne saglasnosti priključka na vodovodnu i kanalizacionu mrežu, broj: 174-67-03/22 izdate 21.01.2022.godine od strane JKP «Radnik» d.o.o. Zavidovići,
- Glavni projekat vanjskih instalacija kanalizacije za pribavljanje vodne saglasnosti poslovno-proizvodne hale za tretman i reciklažu neopasnog miješanog otpada, urađen aprila 2022. godine od strane «ES HYDROTECHNICS» d.o.o. Sarajevo,
- Izvještaj o izvršenoj tehničkoj kontroli – reviziji projektne dokumentacije, urađen aprila 2022. godine od strane «TEAM HIDRO» d.o.o. Sarajevo,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon uvida u dostavljenu dokumentaciju konstatovano je sljedeće:

Predmetni kompleks se nalazi na lijevoj obali rijeke Bosne u Omladinskom naselju u ulici Radnička u Zavidovićima. Osnovna djelatnost društva je sakupljanje, otkup, reciklaža i prerada neopasnog otpada i njegovo pretvaranje u kvalitetnu sirovinu koja će se ponovo vratiti u proizvodnju. Planirani kapacitet prerade je 100 tona/dan.

Oborinske onečišćene vode sa saobraćajnih i manipulativnih površina će se zajedno sa tehnološkim otpadnim vodama nastalim na radnim površinama reciklažnog dvorišta, pranjem boksova i servisiranjem opreme, prikupljati sistemom slivnika i kanalizacione mreže i odvoditi na tretman u tipski separator masti i ulja. Ispust iz separatora je, preko okna za monitoring predviđen u gradski oborinski kolektor sa krajnjim ispuštom u rijeku Bosnu.

Podnosilac zahtjeva je pribavio Rješenje o urbanističkoj saglasnosti od nadležnog organa čime se potvrđuje da predmetna lokacija nije u koliziji sa planskom dokumentacijom općine Zavidovići. Podnosilac zahtjeva je za potrebe izrade Glavnog projekta vanjskih instalacija kanalizacije angažirao projektnu kuću «ES HYDROTECHNICS» d.o.o. Sarajevo, koja posjeduje ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08). Projektna dokumentacija je revidovana od strane ovlaštenog pravnog lica «TEAM HIDRO» d.o.o. Sarajevo. Projektna dokumentacija urađena je na nivou glavnog projekta a sve u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-005-6/22 od 18.02.2022. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih instalacija kanalizacije za pribavljanje vodne saglasnosti poslovno-proizvodne hale za tretman i reciklažu neopasnog miješanog otpada, urađen aprila 2022. godine od strane «ES HYDROTECHNICS» d.o.o. Sarajevo, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.ing.građ.

Prilog: Glavni projekat vanjskih instalacija kanalizacije za pribavljanje vodne saglasnosti poslovno-proizvodne hale za tretman i reciklažu neopasnog miješanog otpada, urađen aprila 2022. godine od strane «ES HYDROTECHNICS» d.o.o. Sarajevo

Po ovlaštenju
Rukovodilac sektora za izdavanje vodnih
akata



Haris Ališehović, dipl.inž.građ.

Dostaviti:

- «AB INDUSTRIALS» d.o.o. Sarajevo (sa prilogom)
Ul. Grbavička br. 8/II, 71000 Sarajevo
- AVP Sava - ISV Vodna knjiga
- Sektor 40 - Arhiva
- Oglasna ploča AVP - Sava